

Die wêreld se top-tiener

Op 'n helder sonskyndag was vier mense onder weg in 'n klein viersitpelk – vliegtuigie: die vlieënier, 'n predikant, en twee tieners. Een van die twee het pas die prys verower as “Die wêreld se top-tiener”. Terwyl hulle gevlieg het, het die vlieënier na die drie passasiers gedraai en gesê: “Ek het slegte nuus, en ek het nog slegter nuus.

Die slegte nuus is dat die vliegtuig se brandstoftenk leeg is. Die vliegtuig verloor hoogte en ons gaan val. Die slegter nuus is dat ons net drie valskerms aan boord het!”

Dit het natuurlik beteken dat een van die insittendes die val nie sou oorleef nie. Die vlieënier het verder gesê: “Ek het 'n vrou en drie kinders tuis. Ek het baie verantwoordelikhede. Ek is jammer, maar ek sal een van die valskerms moet neem!” Met die woorde het hy een van die valskerms gegryp, dit aangetrek en uitgespring.

Die “top-tiener” was volgende om te verduidelik: “Ek is die slimste tiener in die wêreld. Ek mag die een wees wat nog 'n teenmiddel vir kanker of VIGS mag uitvind, of ek mag selfs die wêreld se ekonomiese probleme oplos. Almal reken op my!” Die top-tiener van die wêreld het die tweede valskerm gegryp en gespring.

Die predikant het na die ander seun gedraai en gesê: “Seun, vat jy die laaste valskerm. My saak is reg met die Here, ek kan maar sterf. Neem die laaste valskerm en spring!”

“Ontspan, Dominee”, het die ander tiener geantwoord. “Die wêreld se top-tiener het so pas uit die vliegtuig gespring met my rusgsak!”

Baie mense is soos die top-tiener. Hulle hou hulle slim, en het altyd 'n antwoord reg wanneer jy met hulle praat oor hulle harte vir Jesus gee. Pasop dat jy nie ook soos sy met die “verkeerde valskerm” uit die vliegtuig spring omdat jy jou slim gehou het nie.

Jesus sê in Johannes 14:6 “Ek is die weg, die waarheid en die lewe. Niemand kom na die Vader, behalwe deur My nie”.